

Երբ Դիոցլեափանոսն և Գալիլիոսը հրաժարուեցին զահից, այն ժամանակ անպատշաճ կերպով Կոստանդինն անուշադիր թողին և Իտալիայի համար Սեվերոսին նշանակեցին: Հազիւ թէ նա իրաւունք էր ստացել ներկայանալ հօրը, երբ ստիպուած եղաւ հաշուի առնել այն հանգամանքը, որ Իտալիայում Սեվերոսը թշնամաբար վերաբերուեց և կամենում էր ձերբակալել նրան, որի պատճառով և Կոստանդինի ծառաները, որպէս զի հետասկսնդումն չլինի, մշտնում էին կայարաններում ախոռները և ձիանոց երակները կտրում: Ահա թէ ինչպիսի մանկութիւն ունեցաւ Կոստանդինը:

Իւր գործունէութեան մէջ Կոստանդինը պարտաւորուած էր հետևել հօր խաղաղ քաղաքականութեանը, որը քրիստոնէութեանը մօտ էր և չէր հալածում: Կոստանդը միաստուածական էր: Պէտք է նկատել, որ երկու տեսակ միաստուածականներ կային: Առաջին միաստուածականները նոր-պղատոնական դպրոցին էին պատկանում: Այս դպրոցի հետևողները աստուածների մասին եղած պատմութիւնները մեկնում էին փիլիսոփայական մաքով, մեկնում էին որպէս գօրութիւններ և նրանց միացնում վերացական մի Աստուծոյ, գլխաւորապէս Զևսի անձնաւորութեան մէջ: Այս տեսակի միաստուածականները քրիստոնէութեան թշնամի էին: Նրանց գլուխն էին անցել գիտնականներ, և նրանք տեսնում էին, որ քրիստոնէութիւնը իրենց միաստուածականութեանը հակառակ է, մանաւանդ զեռ իրենց չէր յաջողուել հաստատուն հիմքերի վրայ դնել այդ վարդապետութիւնը, ուստի և քրիստոնէութիւնը ջնջելը նրանց ամենամեծ ցանկութիւնն էր: Երկրորդ տեսակ միաստուածականները — «անյաղթելի արեգակի» — invicti solis, պաշտաման երկրպագուներն էին, որոնց պատկանում էր նաև Կոստանդին Քլօրը: Այս անուան տակ ծածկուած է պարսկական Միհր աստուծոյ պաշտամունքը, որ իւր զանազան տեսակ արարողութիւններով մեծ տպաւորութիւն էր անում: Նշանակալից է այն փաստը, որ այս պաշտամունքը օտար է և ներմուծւած: Ուստի և նրա երկրպագու-

ները քրիստոնէութիւնը նրա հետ համացեղ և համագոր են հաշուել: Եւ Կոստանդինը մտցնում է անյաղթելի արեգակի պաշտամունքը, սակայն այդ պաշտամունքը վերակազմւում է Ապոլլոնի պաշտաման, ինչպէս երևում է հռետորներից մէկի Կոստանդինի առաջ առած ողջոյնի ճառերից մէկից, որտեղ գործ է դրւած — «Apollo tuus» արտայայտութիւնը: Քրիստոնեաների հետ ունեցած յետագայ յարաբերութիւնը Կոստանդինի մէջ առաջ բերեց աւելի սերտ տրամադրութիւն դէպի քրիստոնեաները: Նա տեսաւ, որ քրիստոնեաները, որպէս հպատակներ, լաւ ժողովուրդ են, որ նրանք երկու կարգապահութեանն էլ — կայսեր և եպիսկոպոսի — հնազանդւում էին:

Կարելի է տեսնել, որ Կոստանդինը գործերը վարում էր շատ հետևողական կերպով և 312 թուից յետոյ, երբ որ նա 313 թ. սկզբին իրեն համըշխան Լիկինիոսի հետ, քրիստոնեաներին միայն հաւատոյ ազատութիւն տուեց, և ոչ միայն քրիստոնեաներին, այլ և կայսրութեան ամբողջ ազգաբնակչութեան ազատութիւն տուեց, որ ամէն ոք իւր սեպհական հաւատքը պահպանէ, պաշտէ այն Աստուծուն, որին հաւատում է նա: Եթէ հրովարտակի մէջ յիշւում է քրիստոնեաների մասին, այդ այն պատճառով է, որովհետև նրանք յամառութեամբ ազատութիւն էին խնդրում: Կայսեր այս շնորհը տարածւում էր նաև քրիստոնէական ժողովների վերայ էլ: 313 թ. հրովարտակը հեթանոսներին իրենց հաւատի համար չէր ճնշում, սակայն նա հնարաւորութիւն էր տալիս ոչ միայն քրիստոնէութիւն՝ այլ և ուրիշ հեթանոսական պաշտամունք ընդունելը: Այս հրովարտակը իւր մէջ կրօնական համբերատարութեան շատ մեծ տարրեր էր պարունակում: Իսկապէս, կարելի է ենթադրել թէ մարդ, որ առաջ Միհրի երկրպագու էր, որին կարող էր դերագոյն աստուած համարել, միևնոյն ժամանակ պարտաւորւած էր ճանաչել և Իւպիտերին: Մինչդեռ այժմ, նա հնարաւորութիւն էր ստանում պաշտել մի միայն Միհրին, իսկ հռովմէական միւս աստուածներին պաշտօն չմատուցանել, մի բան, որ նա առաջ առանց

վտանգի ենթարկուելու չէր կարող անել:

Այսպիսով Կոստանդնի առաջին քայլն այնպէս էր, որ քրիստոնէութեանը, բացի հաւատի ազատութիւնից և միւս կրօններին հաւասարացնելուց, ուրիշ ոչինչ չէր խոստանում: Միւս մնացածը Կոստանդնի ազնուութեան արտայայտութիւնն էր, նա տեսնում էր, որ քրիստոնեաները խիստ ճնշուած էին,—նրանց կայքերը գրաւում էին հէնց միայն նրա համար, որովհետեւ նրանք Սատուծուն պաշտում էին իրենց հաւատի համաձայն: Կոստանդինն այնքան մեծահոգի գտնուեց, որ հրամայեց վերադարձնել քրիստոնեաներից խլուած կայքերը. (աստուածապաշտական ժողովների շինութիւնները):

Մի քայլը անել տուեց և յաջորդ քայլը: Կայսեր առաջին խօսքի համաձայն շատ հեշտ էր վերադարձնել քրիստոնեաների կայքը, որ դեռ պետական սեպհականութիւն էր կազմում (քրիստոնեաներից անցել էր պետութեանը): Սակայն կային և շատ կայքեր, որոնք մասնաւոր սեպհականութիւն էին դարձել, երբ այդպիսիները աճուրդով ի վաճառ էին հանուել: Այս հանգամանքը քրիստոնեաների մէջ անհաւատարութիւն կմտցնէր,—ոմանք կատանային իրենց կայքը, իսկ ուրիշները — ոչ: Ուստի և վճռուեց մասնաւոր կալուածատէրերից յետ գնել այդ վաճառուած կայքերը: Ապա ծագեց և երրորդ տեսակի խնդիր: Նախկին հալածանքների ժամանակ քրիստոնէական տաճարները ոչ միայն խլում էին, այլ և քանդում էին.—չարիքի դէմ շարիք էին գործում: Այստեղ էլ պէտք էր քրիստոնեաների մէջ հաւասարութիւնը վերահաստատել: Կոստանդինը վճռեց վերականգնել քանդուած տաճարները—և այդ նպատակի համար փող տուաւ: Այս գործի մէջ միջնորդ անձնաւորութիւն դարձաւ Աֆրիկայի պրօկոնսուլ Սնուլինոսը, որն առաջ հալածում էր քրիստոնեաներին: Կոստանդինը մտածում էր, եթէ քրիստոնեաներին յետ արուի տյն, ինչից որ նրանք առաջ զրկուել են, գրանով հեթանոսներից ոչ ոքի վիրաւորած չի լինի, կամ եթէ նրանցից մուսուլմաններին գիպչի էլ, յամենայն դէպս շատ քիչ կլինին

այդպիսիները, որովհետեւ նախորդ հալածանքը ձեական էր։
 Եւ այսպիսով, քրիստոնէութեան համար այս առաջին
 հալածապատուոր քայլն Կոստանդինն 313 թ. կարող էր աներ-
 կիւղ կերպով կատարել։ Նրա բացատրութեան համար ոչ
 մի գերբնական միջնորդութիւն չէր հարկաւոր, դրա համար
 հարկաւոր չէր ոչ երկնային նշան և ոչ յայտնութիւն
 երազի մէջ։ Այդ Կոստանդինի հոգու ազնուութեան արտա-
 յայտութիւնն էր։ Բայց միևնոյն ժամանակ այս առաջին
 քայլերը չեն ապացուցանում, որ նա ինքն անցաւ քրիս-
 տոնէութեան կողմը, այս ուղղութեան մէջ նա շատ
 դանդաղ և զգոյշ էր առաջ գնում։ Նա իմաստուն կրթուած
 և շրջահայեաց մի կայսր էր։ Նա կարող էր ընդմիշտ
 հեթանոս մնալ, ինչպէս այդ տեսնում ենք նրա կեանքի
 հանգամանքներից։ Կոստանդինը կարեւոր չհամարեց իրե-
 նից վերցնել «pontifex maximus» տիտղոսը։ Հեթանոս
 քուրմերը և քրմական դասը ոչ մի բանի մէջ իսկապէս
 ճնշուած չէին։ Ի հարկէ հեթանոսութիւնն էլ պէտք է ան-
 խուսափելի կերպով մի փոքր փնտա կրէր. այժմ հեթանոսա-
 կան կրօնի պարտականութիւններ կատարելու համար չէր
 կարելի չցանկացող մարդկանց պատասխանատւութեան
 ենթարկել։ Միևնոյն ժամանակ չէր արգելւում հեթանոս-
 ներին ի պատիւ նրա նոր տաճարներ կառուցանել։ Օրի-
 նակ, մի տաճար շինուեց ի պատիւ կայսեր ազգատոհմի
 — gens Flavia.

Եթէ առիթ էր լինում, որ Կոստանդինը հեթանոսների
 «ազատութիւնը» սահմանափակում էր, այդ միայն խայ-
 տառակ երեւոյթների նկատմամբ էր լինում. հարուածներն
 ուղղուած էին հեթանոսական այն տաճարների դէմ, որոնց
 մէջ բուն էր դրել անբարոյական պաշտամունքը։ Ծշմա-
 րիտ է, հեթանոսներից խլուեցին նաեւ տաճարներ՝ շին-
 ուած այնպիսի տեղերում, որոնք քրիստոնեաների հա-
 մար գլխաւորապէս սրբավայրեր էին, բայց այդ լուկ հե-
 տեանք էր այն ընդհանուր դրութեան, որով քրիստոնեա-
 ներն էլ իրաւունք ունէին իրենց Աստուծուն պաշտել։
 Իբրեւ մի սուրբ տեղ, օրինակ վերադարձրուեց քրիստո-

հեաներին յայտնի Մամբրէի կաղնին: Նոյնչափ չնչին էին և միւս սահմանափակումները, որոնց հեթանոսական կրօնը ենթարկուեց Կոստանդին Մեծի ժամանակ: Կառավարութիւնը հեթանոսներին հալածում էր «divinationes»-ի համար: Դոքա մութ, գաղտնի գուշակութիւններ էին կայսեր ապագան իմանալու համար. հեթանոսական կրօնի ընդունած միւս գուշակութիւնների համար չէին հալածում: Կոստանդին Մեծը վերջին տարիները աշխատում էր փոխել sacrificia—արիւնոտ զոհաբերութիւնը: Եթէ այդ օրէնքը դործ չդրուեց, այդ միայն այն պատճառով, որ այդ միջոցը շատերին հաճելի չէր:

Ուրեմն, միանգամայն արդարացի է, որ Կոստանդին Մեծի ժամանակ կրօնի դրութեան վերայ պէտք է նայել որպէս Parität-ի — այսինքն, որպէս կրօնների մէջ հաւասարութեան վերայ: Կոստանդին Մեծն այս հաւասարութիւնն աշխատում էր պահպանել ամէն տեղ, նոյն իսկ մանր բաների մէջ, օրինակ, դրամների վերայ պատահում են և քրիստոնէական և հեթանոսական խորհրդանշանների պատկերացումներ, թէև ժամանակի ընթացքում սկսւում են գերակշռել քրիստոնէական խորհրդանշանները: Ըստ երեւոյթին, այս բոլորը Կոստանդին չեն բնորոշում, իբրև մի անձնաւորութիւն, որ ձեականօրէն յայտարարում է, թէ ինքն այլ ևս հեթանոս չէ, այլ քրիստոնէայ է:

Այնուամենայնիւ, Կոստանդինը, թէև դանդաղ, բայց հաստատապէս մօտենում էր այն բանին, որ քրիստոնէութիւնը տիրապեւոյ կրօն դարձնէ: Ինքը չեզոք մնալով, բայց և այնպէս նա, իւր որդւոցը քրիստոնէական կրթութիւն տուեց, որով և նրանց չեզոքութիւն պահապանելու անհնարաւորութեան մէջ դրեց: Բոլորի համար էլ պարզ էր, որ Կոստանդինի դործ գրած այսպիսի միջոցների հետեանքը պէտք է լինէր քրիստոնէական կրօնի յաղթանակը: Ընդունել, որ Կոստանդինն այդ կատարեց առանց գիտակցելու քրիստոնէութեան առաւելութիւնը, կարելի չէ. եթէ այդ գիտակցութիւնը չունենար Կոստանդինը, իւր որդւոցն էլ կը կրթէր այնպէս, որ նրանք այն դերը խաղալ

կարողանային, ինչ որ ինքն էր կատարում, սակայն նա նրանց համար աւելի լաւ ապագայ պատրաստեց:

Կոստանդինն ինքը քրիստոնէութեանը մօտենում էր քայլ առ քայլ: Հեթանոս գրողները նրա բնաւորութեան մէջ ոչ թէ յառաջադիմութիւն՝ այլ յետադիմութիւն են տեսնում: Նրանցից մէկը նկատում է, թէ Կոստանդին Մեծն «սկսեց ինչպէս սղամարդ, վերջացրեց որպէս պատանի» (paene puer): Նրա բնաւորութեան եռանդը թուլանում էր, և հաւանականօրէն այդ ազդում էր քրիստոնէութիւնն ընդունելու նրա վճռահատութեան վերայ, նա թէև ցանկանում էր Յորդանանի ջրերում մկրտուել, սակայն իւր մկրտութիւնը յետաձգում էր: Կոստանդին Մեծի ժամանակակիցների տեսակէտից այս հանգամանքն ոչինչ տարօրինակութիւն չէր ներկայացնում: Կոստանդին Մեծի մէջ պակասում էր հաւատ դէպի սեպհական անձնաւորութիւնը և ոչ թէ հաւատ դէպի Քրիստոս: Նա յոյս ունէր մկրտութեան շնորհիւ խորհրդաւոր կերպով մաքրուել մեղքերից, որպէս զի ապագայ կեանքի մէջ մանի բոլորովին սրբուած:

Ճշմարիտ է, Կոստանդինի դէպի քրիստոնէութիւնն ունեցած այս տրամադրութեան առթիւ ոմանք ցոյց էին տալիս և նրա մի քանի գործերը, որոնք քրիստոնէութեան դէմ էին: Մասնանշում են Կոստանդինի աներոջ՝ Մաքսիմիանոսի, Կոստանդինի փեսայ Լիկինիոսի, սրա որդի՝ Լիկինեանոսի և վերջապէս Կոստանդինի որդի՝ Կրիսպոսի գլխատման վերայ:

Մաքսիմիանոսի գլխատումը քաղաքական անհրաժեշտ գործ էր: Մաքսիմիանոսը Դիոկղեաիանոսի հետ կապած սլայմանի համաձայն պէտք է 20 տարուց յետոյ հրաժարուէր Օգոստոս տիտղոսից և ծիրանին վայր դնէր: Սակայն նա այդ կատարեց իւր կամքին հակառակ: Այդ ժամանակ Բրիտանիայում և Գալլիայում եղած զօրքերը Օգոստոս հրատարակեցին Կոստանդինին, իսկ Հռոմի զօրքերը (պրետորիաները) — Մաքսիմիանոսի որդի Մակսենտիոսին: Մաքսիմիանոսի համար այդ յաջող առիթ էր թաղը ձեռք ձգելու: Նա եկաւ Հռոմ, փորձեց Դիոկղեաիանոսին համոզել իրեն

վերադարձնելու կառավարութիւնը, և նոյն իսկ փորձեց
Հռովմի գործերին ապստամբեցնել որդու դէմ: Սակայն
ծաղրի ենթարկուելով, նա ստիպուած էր Գալլիա փախչել:
Այստեղ հանդիպեց նա Կոստանդինին և Օգոստոսի տիտ-
ղոսի հետ նրան տուեց և իւր դուստր Փաուստայի ձեռքը:
Կոստանդինի և Մաքսիմիանոսի մէջ յարաբերութիւնները ան-
հաստատէին: Մաքսիմիանոսը, որպէսզի ինքը կարողանայ
նորից թաղը ձեռք ձգել, լուր տարածեց, թէ Կոստանդինը
վախճանուել է Գալլերի դէմ կատարած արշաւանքի ժամա-
նակ: Կոստանդինը աքսորեց նրան Մարսէյլ այն պայմանով,
որ նա ապրէ այնտեղ, որպէս մասնաւոր անհատ: Սակայն
Մաքսիմիանոսը այստեղ էլ կանգ չառաւ: Նա առաջարկեց
իւր Փաուստա դստերոջը մասնակից լինել իւր ամուսնու
սպանութեան գործին: Այդպիսով Փաուստային վիճակուած
էր ընտրութիւն անել հօր և ամուսնու մէջ: Սակայն նա դե-
րադասեց ամուսնուն և հօր զազանի գիտաւորութիւնները
յայտնեց նրան: Երբ որ Մաքսիմիանոսը դաշոյնը ձեռքին
գնում է՝ Կոստանդինին սպանելու, թաղնուած ստրուկը, որ
նշանակւած էր նրան հետեւելու, բռնեց նրան և մեղապարտ
աները գլխատուեց:

Ինչ Լիկինիոսի գլխատմանն է վերաբերում, ասում
են, որ Կոստանդին Մեծը պատժեց Լիկինիոսին *contra fidem*
sacramenti — այսինքն, հակառակ նրա կեանքը պահպա-
նելու համար տուած խոստմանը: Սակայն այս ծանրակշիռ
արտայայտութիւնը ոչնչանում է այն ցուցմունքով, որ
գտնւում է Anonymus Valesianus-ի մէջ (*pars prior, Origo*
Constantini imperatoris), մի աղբիւր, որ անպայման պատ-
մական արժէք ունի. «*tumultu militaribus exigentibus in*
thessalonica jussit occidi»: Ոչ մի երգմնական խոստումն
չի կարող յարատե ճշտութիւն ունենալ, եթէ հակառակ
կողմը ստիպում է դրժել խոստումը: Օրինակ, NN. տէրու-
թիւնը խօսք է տուել պաշտպանել PP. տէրութեանը:
Բայց եթէ PP. տէրութիւնը զինուած ոյժով խուժում է
NN-ի սահմանները, այն ժամանակ տարօրինակ կլինէր,
եթէ NN. տէրութիւնը շարունակեր խնայել PP. տէրու-

թեանը: Զինւորները երկիւղ կրելով, թէ մի գուցէ Լիկի-
նիոսը Թեսաղոնիկէում գաւազրութիւն կազմի, ուստի Կոս-
տանդնին հարկադրեցին նրան դիտատելու հրաման տալ:

Կոստանդնի կեանքի մէջ, իբրեւ մի բարոյական բիծ
մնում է նաեւ Լիկինիոսի որդի—Լիկինիանոսի դիտատումը:
Սակայն այդ բանին հարկադրել կարող էին միայն նրան
հաւատարիմ լեզիոնները: Որ նրանք ընդունակ էին Կոս-
տանդնին հարկադրելու այգալիսի քայլ անելու, դրան
ապացոյց է նրանց ձեռքով Կոստանդնի ազգականներին,
Կոստանդիոս Քլորի երկրորդ ամուսին՝ Ֆէօդորայի որդոց
կոտորելու դէպքը: Նրանք դէպի Կոստանդինը և նրա որ-
դիքն տածած հաւատարմութեան պատճառով չէին ցան-
կանում, որ Կոստանդնի մահից յետոյ զահին ուրիշ թեկ-
նածուներ լինեն:

Վերջապէս մատնանշում են Կոստանդնի որդի Կրիսպոսի
դիտատման վրայ (ծնունդ նրա առաջին կին Միներվի-
նայից): Այս գործը շատ մութն է և հիմք չկայ չհաւատարու
հեթանոս Զօսիմոսի հաղորդածին, թէ ինքը կայսրը զղջա-
ցած այդ դէպքի համար՝ սպանուածի համար արձան
կանգնեցրեց վերտառութեամբս՝ *ἱδρυαέως* (անարդարու-
թեան զոհին): Գլխատումն մութ պայմանների մէջ էրզրած,
և շատ կարելի է Կրիսպոսին մեղադրում էին այն բանի
համար, թէ նա գաւազիր է եղած իւր հօր կեանքի դէմ:
Յամենայն դէպս դժուար է ասել թէ այդ քաղաքական
յանցագործութիւն էր, թէ՛ ընտանեկան թխաբիմացութիւն,
(նրան մեղադրում էին Յառուստայի հետ,—որը շուտով
նոյնպէս դիտատուեց, կենակցելուն համար):

II. ՅՈՒՆԱՅ ԵՒ ՀՌՈՎՄԱՅԵՅԻՈՑ ԱԶԳԱՅԻՆ
ԱՌԱՆՋՆԱՅԱՏԿՈՒԹԻՒՆՆԵՐԻ ԵՒ ՀՌՈՎՄԷԱԿԱՆ ԿԱՅ-
ՍՐՈՒԹԵԱՆ ՈՒ ՔՐԻՍՏՈՆԷԱԿԱՆ ԵԿԵՂԵՑՈՒ ԱՒԱՆ-
ԴԱԿԱՆ ՍՈՎՈՐՈՒԹԻՒՆՆԵՐԻ ՆՇԱՆԱԿՈՒԹԻՒՆՆԵՐ ԵԿԵ-
ՂԵՑՈՒ ԵՒ ՊԵՏՈՒԹԵԱՆ ՄԷՋ ՅԱՐԱՐԵՐՈՒԹԻՒՆՆԵՐ
ՀԱՍՏԱՏՈՒԵԼՈՒ ՄԻՋՈՑԻՆ

Եկեղեցու և պատուիւթեան մէջ յարաբերութիւնների որոշման համար մի այլ գործօն են հանդիսանում իրենք քրիստոնէական եկեղեցու անդամները: Այն ժամանակները քրիստոնէութիւնը իւր գլխաւոր զանգուածով ամփոփուած էր դասական աշխարհի սահմանների մէջ, և բնական հարցերի պայմանների ու պատմութեան ազդեցութեամբ կազմակերպուած յունաց և հռովմէացւոց ազգային բնաւորութեան դժերն իրենց ներգործութիւնն ունեցան այդ նոր յարաբերութիւնների մանրամասնութեանց գործնական մշակման մէջ:

Երբ յոյների մասին խօսք է լինում, բնականաբար պատկերացնում ենք մի ժողովուրդ, որ առատապէս օժտուած է մտաւոր բնդունակութիւններով, որ փիլիսոփայութեան, գիտութեան և արուեստի մէջ փառք է վատակել — մի ազգ, որ տածում է բուն զգացմունք դէպի ազատութիւն և աւելութիւն դէպի բռնակալութիւնը, — մի ցեղ որ գլխաւորապէս հասարակապետական է: Իւր սահմանափակ հայեացքով, վերացական սկզբունքների աղքատութեամբ, տեսութիւնների թուլութեամբ, յաճախ չոր ու ցամաք գործնականութեամբ և նեղ գրականութեամբ իդէալական յոյնի կողքին հռովմէացին, թւում է, շատ համեմատաւորութեան մէջ է մտնում: Տիեզերական կայսրութիւնը, որը ստեղծեցին աիրող հռովմայեցիները, կեսարիզմը, որ հանդէս եկաւ իբրեւ կատարելութիւն նրանց պատմական զարգացման, որ յաճախ հասնում էր մինչև բռնակալութեան,

— Հէ վկայում յօգուտ հռովմէական ցեղին յատուկ ազատութեան զգացմունքի եռանդի մասին: Եւ երբ մենք միայն մտածենք, որ Կոստանդին մեծի ժամանակից սկսած քաղաքական ծանրութեան կենդրոնը լատին Արեւմուտքից տեղափոխուած է յոյն Արևելք, այն ժամանակ, ըստ երևոյթին, մեզ մնում է այս յաջող պատմական գուղադիպութիւնը միայն ողջունել: Սակայն գործի մանրամասը քննութիւնը նրան ներկայացնում է ուրիշ կերպ:

Եկեղեցու և պետութեան յարաբերութեան հարցը ըստ էութեան իրաւաբանական է: Մինչ իրաւաբանական այն սկզբունքները, որոնցով ապրում էր յոյն աշխարհը, ոչ ոքի մէջ առանձին հետաքրքրութիւն չէր առաջ բերում, հռովմայեցի ժողովրդի իրաւաբանական միտքը միշտ էլ գիտնականներին ակնածական դարձանք է պատճառել: Հռովմայեցիք տեսութիւնների մէջ շատ առաջ չէն գնացած, նրանց փիլիսոփաների գրչի տակ փիլիսոփայական հարցերը շատ շուտ նեղ գործնական կերպարանք էին ստանում: Դրա փոխարէն այս ժողովուրդը զօրեղ էր կառավարչական, կազմակերպչական տաղանդով: Նա ընդունակ էր իշխելու, ընդունակ էր կառավարելու: Մինչդեռ Յոյներին հէնց այս ընդունակութիւնն էր պակասում: Իրենց պատմութեան ծաղկման շրջանում, նրանք երբեք չկարողացան իրենց հասարակապետութիւնից մի ամուր, համերաշխ քաղաքական ամբողջութիւն կազմել: Նոյն իսկ այն ժամանակ էլ, երբ Հեգեմոնիոն յոյն աշխարհում Մակեդոնիայի հզօր կայսրների ձեռքն անցաւ, այդ ժամանակ էլ կենդրոնախոյս ոյժերը յաղթեցին կենդրոնաձիգ ոյժերին. — Աղէքսանդրի միապետութիւնը իրենից երկար չապրեց: Յոյնը, որ աւելի հակուած է վերացականութեան, բնականաբար տրամադիր էր իւր ուշագրութիւնը դաւանաբանական մտքի զարգացման վերայ կենդրոնացնել և գործնական յարաբերութիւնների շրջանը մոռացութեան տալ:

Միևնոյն ժամանակ, Յոյներին ոգևորող ազատութեան զգացմունքը հաղիւ թէ նրանց ազգային բնաւորութեանը

առանձին առաւելութիւն է տալիս հռովմայեցոց առաջ: Յոյ-
 ների ազատութիւնը — շատ յարաբերական հասկացողութիւն
 էր. բռնակալութեան առաջ ունեցած նրանց երկիւղը, այն
 ազատիչ բնազդներից մէկն էր, որի օգնութեանը նրանք
 աւելի կարիք ունէին, քան ուրիշ ժողովուրդներ: Եւ արդարեւ
 Թէնացիները — յոյն ցեղի, այդ իսկական ներկայացուցիչ-
 ները — կառավարութեան մէջ անձնական սկզբունքը տիրա-
 պետող է հանդիսանում: Աթէնքի պատմութիւնը կարելի է
 լրիւ կերպով ներկայացնել աչքի ընկնող մարդկանց կեն-
 սագրութիւններն անելով, որոնք հասարակապետութեան
 զլուխ էին անցել: Հազիւ թէ նոյնը կարելի լինի ասել
 հռովմի համար: Յոյն պատմական գործիչների կարգում
 գերակշռում են խիստ տաղանդաւոր մարդիկ. հռովմայե-
 ցիների մօտ — աւելի կամ պակաս գերակշռում էին միջ-
 նորդ մարդիկ: Այնտեղ աւելի մեծ նշանակութիւնը ունի
 անհատի հանճարը, այստեղ — բարդուած սխառմը: Յոյն
 աշխարհի հերոսները իրենց հայրենիքի վիճակը կառավա-
 րում էին աւելի կատարեալ կերպով, քան այդ կարելի է
 հռովմայեցիների համար ասել: Այս երկու ազգերի դէպի
 իրենց ներկայացուցիչներն ունեցած յարաբերութիւնների
 մէջ մեծ տարբերութիւն կայ: Աթէնքի պետական գործիչ-
 ները աւելի քան հաւատարմատար անձինք էին ժողովրդի,
 դրանք ժողովրդի սիրելիներն էին. հռովմայեցւոց հիւպա-
 տոսները պարզապէս հասարակ պաշտօնեաներ էին: Հռով-
 մայեցի հիւպատոսը իւր պաշտօնավարութեան ժամանակի
 լրանալուց յետոյ բնականաբար յետ էր քաշւում, անցնում էր
 պատուաւոր հիւպատոսների շարքը: Աթէնքի պատմական
 գործիչների համար այդպիսի որոշուած ժամանակ գոյու-
 թիւն չունէր, — նրանք իրենց ամբողջ կեանքի ընթացքում
 կառավարութեան զլուխ էին կանգնած. իսկ եթէ նրանք
 թողնում են իրենց պաշտօնը, այդ լինում էր արդէն ժողովրդի
 դժգոհութեան հետեանք: Նրանք նոյն իսկ աւելի վատ վախ-
 ճան էին ունենում — համարեա պետութեանը դաւաճանելով,
 — յիշեցէք Թեմիստոկլէսին: Աթէնացիք սիրում էին իրենց
 յայտնի գործիչների, իսկ եթէ նրանց միայն յարգում էին՝

այն ժամանակ սկսում էին երկիւղ կրել և շտապում էին ազատուել այդպիսիների ներկայութիւնից խեցեղատութեամբ¹ : Այս գործնական եղանակի մէջ զգացւում է անօգնականութեան գիտակցութիւնը մտաւոր ոյժի հմայքի առաջ, անընդունակութիւնը — նրա գործունէութիւնը պահպանելու հարկաւոր սահմանների մէջ : Աթէնացին տատանւում էր խռովութեան և ակնածութեան ծայրայեղութիւնների մէջ : Հռովմայեցիք պարզապէս գիտէին յարգել իրենց հերոսներին, — այն ժամանակ, երբ կվիրիաները արժանի յարգանք էին մատուցանում իրենց պաշտօնեայ — գէներալին, նրան հաւատարիմ զինուորները ցեխոտում էին իբրեւ մասնաւոր անհատի : Հռովմում հերոսի անձը մի առանձին նշանակութիւն չունէր : Աթէնքի փողոցներում հռովմէական յաղթանակի տեսարանը միանգամայն աներևակայելիէ : Պաշտօնեան Յունաստանում կարող էր այն աստիճանի գրաւել հասարակական կարծիքը, որ կատարեալ բռնակալ էր դառնում իւր առոյգ յաճախ թեթևամիտ ազգի համար : Աթէնքում բռնապետութիւնը քաղաքական բնաւորութիւն ունէր : Հռովմում տաղանդաւոր անհատը շատ քան կարող չէր անել իրաւական յարաբերութիւնների ամուր կերպով հաստատութիւն ստացած ձևերի վերայ, և եթէ բռնապետներ երևան էին դալիս նաև Հռովմում, նրանք ստիպուած էին յենուել զինուորական կողմիտ ոյժի վերայ : Բռնապետութիւնը Հռովմում զինապետութեան տիրապետութեան նշան էր :

Մի հանգամանք ևս բաւականաչափ ազդել է յոյների բնաւորութեան վերայ, — չնայած նրանց գէպի ազատութիւնն ունեցած սիրուն, նրանք Հռովմի երկաթէ տիրապետութեան ենթարկուեցին և երբէք չկարողացան այդ լուծը թոթափել իրենցից : Ստրկութիւնը նոյն իսկ գիմնական հռովմայեցիների վերայ իւր տարրալուծող ազդեցու-

1) Նախկին Յունաստանում ժողովրդական դատաստան, որով պետութեան համար փաստակար համարուած անձն աքսորւում էր ժողովուրդը իւր քուէն խեցու վերայ էր գրում :

Թիւնը թողել էր, և նրանց բարոյապէս ստորացնում էր: Յոյնին նա ուղղակի ճնշում էր, — որ ոյժ չունենալով բարձրակ ճանապարհով ազատութիւն ձեռք բերել, դորժում էր մութ ճանապարհներով, նա այդ նպատակին դիմում էր կողմնակի ճանապարհներով խարդաւանքով դաւադրութեամբ խորամանկութեամբ և վրիժառութեամբ: Յոյների դործ դրած այս ստոր միջոցները նրանց ասելի դարձրին հռովմայեցիների աչքում, — Յորնադը (IOBEHALT), որ իւր հայրենակիցների բարոյական դրութիւնը շատ էլ վարդապոյն չէ նկարագրում, յոյների մասին խօսում է խորին ատելութեամբ. — natio tota comoeda: Նա յոյներին համարում է խաղաղ կեղծ և ստոր շողոքորդներ: Յոյների բնաւորութեան այս կողմը, ի հարկ է, չէ կարելի առանց խիստ սահմանափակումների թոյլ տալ. տարրալուծումը վերաբերում էր, ի հարկ է, գլխաւորապէս յոյն ցեղի քաղաքակրթական դասին. միւսնայն ժամանակ յունարէն բոլոր խօսողները մաքուր յոյներ չէին: Բայց ազգերի խառնուրդն էլ միշտ չէր ազնուացնում նրանց:

Յամենայն դէպս դասական այս երկու ժողովուրդները կանգնած են միմեանց դիմաց՝ մէկը որպէս աւելի ճկուն, խստաբարոյ, ուղղամիտ և հաստատուն, — և միւսը՝ առաւել — նուրբ, փափուկ, երբեմն թեթեամիտ, անհաստատ, մինչ նենգութեան և խորամանկութեան հասնող շողոքորդ խուսափող բնաւորութեամբ: Երկու ժողովուրդներն էլ ունէին իրենց արժանիքներն ու իրենց պակասութիւնները: Հռովմի քրիստոնեաներից աւելի բնական էր սպասել առաւել յարատե, գլխաւորապէս սխառեմատիկ պաշտպանութիւն եկեղեցական ազատութեան համար, երբ տէրութեան կառավարիչների կողմից յարձակումներ լինէին այդ ազատութեան դէմ: Սակայն նրանք կարող էին շափաղանացալի վիճելի հարցերի նշանակութիւնը և ազատութեան համար մղած կռիւը դարձնել գերիշխանութեան կռիւ: Յոյն քրիստոնեայ աշխարհը, երեք դար նեղութիւն քաշելուց յետոյ, շատ հեշտութեամբ կարող էր քրիստոնեայ կայսեր նոր յարաբերութիւնների հմայքին ենթարկուել և նրա դոր-

ծունէութեան վերայ ունենալիք անհրաժեշտ հսկողութիւնը թուլացնել: Գաւառաբանական գերիշխող շահերի համար յոյնը կարող էր շատ հեշտութեամբ զիջել մի քանի ձեական առաւելութիւններ: Առաջինները կարող էին եկեղեցու և պետութեան միջև յարաբերութեան հարցը սխալ վճռել, ազատութեան հարցը դարձնել իշխանասիրութեան հարց: Յոյների բնաւորութեան մէջ կային դրաւականեր այն բանի համար, որ նրանք կարող էին այդ հարցը բոլորովին չվճռել իւր պարզ, տարրական դրութեամբ, իսկ մեծ հաւատ ընծայել բարեկամաբար տրամադրուած կայսեր գործունէութեանը և կոխ սկսել եկեղեցու ազատութեան համար միայն այն ժամանակ, երբ պետական իշանութեան ձգտումները կղիպչեն դաւառաբանական հաւատալիքներին:

Ինքն ըստ ինքեան հասկանալի է, որ ամէն մի մասնաւոր երևոյթի վերաբերութեամբ ազգայնական տարրերութիւնների այսպիսի ազդեցութիւնը դժուար է արդարացնել: Գործն այս ձեով տանելով, մենք անպայման կհանդիպենք բազմաթիւ բացառութիւնների: Եւ այդ հասկանալի է: Պատմական դէպքերի դիտաւոր գունաւորումը կախուած է ընդհանուր յատկութիւններից և մարդկային բնութեան թուլութիւնից. — հռովմայեցին յոյնի նման շատ անգամ գործում է դրդուած միկնոյն պատճառներով, որոնցով կգործէր և գերմանացին և սլավոնացին: Այն, ինչ որ ազգային տարր է մտցնում, թէև թոյլ, բայց միշտ արտացոլում է եկրորդական երանգներով ընդհանուր գունաւորման մէջ: Բայց վերջ ի վերջոյ ազդեցութիւնների այնպիսի մի գումար է առաջանում, որ հռովմէական եկեղեցին զօրեղ կոխ է մղում համաշխարհային իշխանութիւն ձեռք բերելու, պետութեան վերայ իշխելու համար, մինչդեռ երբեք կարելի չէ Արևելեան եկեղեցուն մեղադրել, թէ նա պետական իրաւունքների դէմ որ և է լուրջ ոտնձգութիւն արած լինէր:

Մի կողմից՝ բացի Կոստանդին կայսեր անձնական առանձնայատկութիւններից և միւս կողմից՝ յոյն հռովմէ-

ական քրիստոնեաների ազգային բնաւորութիւնից—եկեղեցու և պետութեան յարաբերութեան վերայ պէտք է ազդեցութիւն ունեցած լինի և նոյն իսկ առաւել քան ուրիշ որ և է բան՝ այս նոր կազմակերպւող դաշնակցութեան անդամների պատմութեան բերմունքով կազմուած յասկութիւնները:

Կայսրը կամայ ակամայ պէտք է հին պետութեան աւանդութիւնների ներկայացուցիչ հանդիսանար, իսկ այդ աւանդութիւններն նրան մղում էին շճանաչել նոր դաշնակցի հաւասար իրաւունքները: Հռովմէական պետութիւնը պատմական բերմամբ զարդանում էր հռովմէական տառւածապաշտական ծէսի հետ նրան սերտ կերպով ընդգրկելով, ինչպէս իւր ամբողջութեան մի մասը: Եկեղեցին պետութիւնից բաժանելու, կրօնական և քաղաքական հաստատութիւնների սկզբունքային տարբերութեան մասին հռովմի պետութեան նախկին շրջանում խօսք անգամ չէր կարող լինել: Ընդհակառակը նրա պատմութիւնը այնպէս դասաւորուեց, որ հռովմը այդ հաստատութիւնների իւրատեսակ բնաւորութիւնն իմանալու ոչ մի առիթ չուներ: Իբրեւ բնական կրօն, հռովմայեցի ժողովրդի կրօնը իւր մէջ շատ քիչ բարոյական տարրեր էր պարունակում, որոնք այդ ժողովրդի վերայ այնպիսի պարտականութիւններ դնէին, որ նրա քաղաքական նպատակներին և ձգտումներին հակառակ լինէին: Կրօնի և պետութեան մէջ ընդհարումներ չէին կարող այնպէս խիստ լինել, ինչպիսի ընդհարումները հնարաւոր է այժմեան պետութեան զանազան հիմնարկութիւնների մէջ: Ծանր ընդհարումներ չէին կարող տեղի ունենալ: Նոյն իսկ այնտեղ, որտեղ կրօնը պետական իշխանութեանը իւր նշանակութիւնը զգացնել էր տալիս (ի հարկէ, որտեղ այդ հեղինակաւորութիւնը փաստ էր և ոչ հռեւորական արտայայտութիւն), այս գէպքերում էլ աւելի յաճախ կրօնը իբրեւ փարադոյր (шарма) էր թւում, որի յետևը, գործում էին ազնուական կուսակցութեան մարմինները: Իբրեւ սպացոյց պետական և կրօնական սկզբունքների միաւորութեան կարելի է մատնա-

ցոյց անել, օրինակ, որ, նոյն պատրիկները ¹⁾, որոնց ձեռքումն էր կենտրոնացած նաև պետական ամենազլխաւոր պաշտօնները, միևնոյն ժամանակ և քուրմեր էին: Վերջապէս Օգոստոսից սկսած հռովմէական կայսրները բարձրագոյն քահանայապետներ էին: Միևնոյն անձի մէջ այս երկու կոչումների միացումը կարող էր միայն խնդիրը բարդացնել:

Քրիստոնեաները ստիպուած էին յարմարուել սովորութեան ոյժին: Բանն այն չէր, որ քրիստոնեայ կայսրները զիտակցօրէն և մտադրեալ կերպով գործում էին իրեն քրիստոնէական եկեղեցու pontifices maximi. Այլ վտանգաւորն այն էր որ հռովմէական կայսրը սովոր էր իրեն շջապատող ամէն բանին անսահման իշխանաւորի հայեացքով նայել: Նրա համար անսովոր բան էր սեպհական կամքը, որ տարածւում էր ամբողջ պետութեան հետեապէս և նրա կրօնի վերայ, սահմանափակուած տեսնել: Pontifex maximus կոչման առանձնաշնորհումները նրա զիտակցութեան մէջ հաստատուած էին որպէս անբաժանելի մասն իւր անձի, որպէս գերագոյն ինքնիշխան պետի: Քրիստոնեայ կայսրը պահպանելով ինքնիշխանութեան իրաւունքների լրութիւնը, անզիտակցօրէն կարող էր այնպիսի պահանջներ անել, որոնց հիմքն էր կազմում հեթանոսական պաշտամունքի ժամանակ նրա ունեցած քահանայապետական կոչումը: Քրիստոնէական և հեթանոսական կրօնների հիմունքների մէջ եղած տարբերութեան պատճառով (վերջինս առաւելապէս արտաքին պաշտամունք էր, իսկ առաջինը դաւանարանական ճշմարտութեան ներքին համոզումն) այս հին թթիւմորը կարող էր բռնութիւնը արտաքինից տեղափոխել ներքինի վերայ, կարող էր ներգործել մարդկային հոգու ամենախորին գաղտնա-

1) Հին հռովմէական տոհմական ազնուականներ, որոնք ունէին զլիաւորապէս քաղաքական իրաւունքներ և մեծ քահակութեամբ հոգիւր էին տիրապետում: